



LANDSSAMBAND HESTAMANNAFÉLAGA

# Reglugerð um Landsmót og fjórðungsmót



Útgáfa 1/2026



## REGLUGERÐ UM LANDSMÓT OG FJÓRÐUNGSMÓT

### 1. Ákvörðun um Landsmót og fjórðungsmót

Landsmót hestamanna skulu haldin annað hvert ár. Stjórn LH velur og ákveður landsmótsstað hverju sinni að höfðu samráði við rekstraraðila. Skal ákvörðun um mótsstað liggja fyrir a.m.k. fimm árum fyrir það mót sem um ræðir. Samningar skulu vera frágengnir og undirritaðir minnst þremur árum áður. Ef samningar nást ekki skal staðarval endurskoðað. Við staðarval skal stjórn LH hafa til hliðsjónar fjárhagslega hagkvæmni svo og yfirsýn á félagslegt réttlæti. Samhliða staðarákvörðun skal liggja fyrir samningur um eftirgjald (leigu) fyrir mótssvæðið.

Fjórðungsmót, ef haldin, fara fram þau ár sem ekki er landsmót. Staðarval er í höndum félaganna sem eiga aðild að mótinu.

### 2. Hlutverk stjórnar LH

Stjórn LH skal hafa forgöngu og tilsjón með því að allur undirbúningur landsmóta sé vandaður. Stjórnin skal sjá um að traustur rekstraraðili standi að framkvæmd og rekstri mótanna og í samráði við þann aðila sjá um að mótssvæði séu undirbúin og uppfylli kröfur um fyrirmyndar aðstöðu að mati mannvirkjanefndar LH.

### 3. Tímasetning Landsmóta og fjórðungsmóta

Tímasetning landsmóta skal ákveðin af stjórn LH og BÍ í samráði við rekstraraðila mótsins. Stefnt skal að því að landsmót fari fram fyrstu viku júlímánaðar.

Tímasetningar fjórðungsmóta skulu ákveðnar af félögum sem eiga aðild að mótinu. Stefnt skal að því að fjórðungsmót fari fram aðra vikuna í júlí.

### 4. Keppnisgreinar Landsmóta og fjórðungsmóta

Á Landsmótum og fjórðungsmótum skal m.a. fara fram keppni úrvals gæðinga í öllum flokkum svo og keppni úrvalstóltara. Þá skal fara fram sýning úrvals kynbótahrossa og kappreiðar. Í keppni og sýningum skal farið eftir reglum sem í gildi eru á hverjum tíma.

Keppnisréttur í tölti á Lands- og fjórðungsmótum vinnst eingöngu í keppni í T1.

Heimilt er að keppa í ungmennaflokki A-flokki á Landsmótum sem sýningargrein.

Ekki skal keppt í C flokki, C1 flokki eða gæðingatölti á Landsmótum.

Á Landsmóti skal keppt á 300 m hringvelli.

### 5. Val hrossa og keppenda á Landsmót og fjórðungsmót

Þátttakendafjöldi á lands- og fjórðungsmóti miðast við fjölda félagsmanna sem skráðir eru í félagatali hestamannafélaga þann 15. apríl ár hvert.

Val hrossa í gæðingakeppni og keppenda í barna-, unglínga- og ungmennakeppni á lands- og fjórðungsmótum skal fara fram á úrtökumótum hjá félögum eftir lögum og reglum LH um gæðingakeppni og barna- unglínga- og ungmennakeppni. Til að eiga möguleika á að öðlast þátttökurétt á Landsmóti þarf að ljúka gildri sýningu í úrtöku hestamannafélags.

Haldi hestamannafélög úrtöku í tveimur umferðum skal leitast við að sama dómargengi dæmi báðar umferðir. Ekki mega líða meira en tveir dagar á milli umferða. Þátttakanda er heimilt að taka þátt í hvorri umferð sem er eða báðum.

Barni, unglíngi og ungmenni er heimilt að mæta með fleiri en eitt hross í forkeppni í úrtöku sbr. reglur um keppni í yngri flokkum, grein 7.2 í reglum um gæðingakeppni. Einkunnir í forkeppni skulu ávallt ráða vali hrossa á Lands- og fjórðungsmót en ekki röðun úr úrslitakeppni sé hún viðhöfð.



## REGLUGERÐ UM LANDSMÓT OG FJÓRÐUNGSMÓT

Þá er félögum heimilt að hafa tvær umferðir og gildir þá betri árangur. Sé hærri einkunn keppenda, tveggja eða fleiri, jöfn, skal litið til einkunnar úr hinni umferðinni. Skiptir þar ekki máli hvort það er fyrri eða seinni umferð. Séu hestar jafnir skulu þeir fá sæti á Landsmóti eða fjórðungsmóti fyrir sitt félag.

Vinni barn, unglingur eða ungmenni sér þátttökurétt á Lands- eða fjórðungsmót, með fleiri en einn hest í sínum flokki skal keppandinn tilkynna sínu félagi hvaða hest hann hyggst fara með á mótið áður en skráningarfresti lýkur. Keppandi í yngri flokki á Lands- eða fjórðungsmóti getur ekki jafnframt verið varaknapi með annan hest í sínum flokki.

Forfallist skráður hestur keppanda á lands-, fjórðungs- eða stórmóti, kemur varakeppandi og hestur hans í stað þess forfallaða.

Félögum er heimilt að halda sameiginlegar úrtökur. Úrtökur skulu auglýstar með minnst tveggja vikna fyrirvara. Ekki er heimilt að skrá hross í A og B flokk í úrtöku fyrir Lands- og fjórðungsmót hjá öðru félagi en eigandi viðkomandi hross er skráður í, nema um sameiginlega úrtöku sé að ræða. Keppendur í barna-, unglunga- og ungmennaflokki, mega ekki skrá sig í úrtöku hjá öðru félagi en þeirra eigin.

Haldi félag ekki úrtöku sjálf en félagar þess hafa áhuga á að komast á Lands- eða fjórðungsmót verður stjórn félagsins að setja sig í samband við eitt ákveðið hestamannafélag og auglýsa úrtöku með því félagi. Til viðbótar þeim hestum sem vinna sér þátttökurétt á Landsmóti í A og B flokki gæðinga í gegnum úrtökur hestamannafélaganna, fá efstu 6 hestar á stöðulistum sem ekki komust inn í gegnum úrtökur hjá sínum félögum, þátttökurétt á Landsmóti.

Í barna-, unglunga- og ungmennaflokki ákvarðast fjöldi þátttakenda, sem fá þátttökurétt á Landsmóti í gegnum stöðulista, við þann fjölda sem skráður hefur verið og fengið hafa keppnisrétt á Landsmótum í gegnum úrtökur hjá sínum félögum. Öll sæti sem félögin nýta ekki teljast því til stöðulista. Heildarfjöldi þátttakenda í flokkunum þremur getur að hámarki orðið sá fjöldi sem yrði ef öll aðildarfélög sendu þann fulltrúafjölda sem þau hafa heimild til.

Við lok skráningarfrests á Landsmót skal keppnisnefnd fara yfir skráningar og stöðulista og tilkynna þeim sem í hlut eiga um þátttökurétt.

Hestamannafélögin taki það fram í sínum skráningum á Landsmót- og fjórðungsmót upp á hvora hönd hver knapi vill ríða. Komi varahestur inn skal hann sýna upp á sömu hönd og sá sem hann kemur í staðinn fyrir.

Hross, sem taka þátt í kynbótasýningu, eiga ekki þátttökurétt í gæðingakeppni lands- og fjórðungsmóta, að því undanskyldu að hross sem taka þátt í kynbótasýningu sem afkvæmi í afkvæmahópi, hafa þó rétt til þeirrar þátttöku.

### **6. Um reglur um Landsmót og fjórðungsmót**

Reglum þessum má breyta á landsþingi LH með venjulegum undirbúningi.